

MINISTERIO DO INTERIOR

17008 *ORDE INT/2967/2006, do 25 de setembro, pola que se determinan os municipios a que son de aplicación as medidas previstas no Real decreto lei 8/2006, do 28 de agosto, polo que se aproban medidas urxentes en materia de incendios forestais na Comunidade Autónoma de Galicia.* («BOE» 233, do 29-9-2006.)

O Real decreto lei 8/2006, do 28 de agosto, polo que se aproban medidas urxentes en materia de incendios forestais na Comunidade Autónoma de Galicia, dispón, no seu artigo 1.2, que o Ministerio do Interior determinará os termos municipais e núcleos de poboación a que serán de aplicación as medidas establecidas no mencionado real decreto lei, destinadas ás persoas e bens afectados polos incendios acaecidos durante os días 4 a 14 do mes de agosto de 2006 na Comunidade Autónoma de Galicia.

Tras a avaliación do alcance dos incendios, e unha vez determinado polos servizos periféricos da Administración xeral do Estado o ámbito xeográfico concreto afectado, púidose establecer unha relación dos municipios damnificados que, xa que logo, poden ser beneficiarios do catálogo de actuacións de carácter extraordinario que prevé a citada norma legal.

Por iso, en virtude do disposto no citado artigo 1.2 do Real decreto lei 8/2006, do 28 de agosto,

DISPÓÑO:

Artigo único. *Ámbito de aplicación.*

As medidas urxentes aprobadas polo Real decreto lei 8/2006, do 28 de agosto, polo que se aproban medidas urxentes en materia de incendios forestais na Comunidade Autónoma de Galicia, serán de aplicación aos termos municipais e núcleos de poboación recollidos no anexo desta orde.

Disposición derradeira única. *Entrada en vigor.*

A presente orde entrará en vigor o mesmo día da súa publicación no Boletín Oficial del Estado.

Madrid, 25 de setembro de 2006.–O ministro do Interior, Alfredo Pérez Rubalcaba.

ANEXO

Provincia da Coruña

Abegondo; Ames; Aranga; Ares; Arteixo; Arzúa; Baña (A); Bergondo; Betanzos; Boimorto; Boiro; Boqueixón; Brión; Camariñas; Cambre; Carballo; Carnota; Carral; Cedeira; Cee; Cerceda; Cerdido; Cesuras; Coristanco; Coruña (A); Culleredo; Curtis; Dodro; Dumbria; Ferrol; Fisterra; Frades; Laracha (A); Lousame; Malpica de Bergantiños; Mazaricos; Melide; Mesía; Moeche; Monfero; Muros; Muxía; Narón; Negreira; Noia; Oleiros; Ordes; Oroso; Ortigueira; Outes; Oza dos Ríos; Paderne; Padrón; Pino (O); Pobra do Caramiñal (A); Ponteceso; Pontes de García Rodríguez (As); Porto do Son; Rianxo; Ribeira; Rois; San Sadurniño; Santa Comba; Santiago de Compostela; Santiso; Sobrado; Teo; Toques; Tordoia; Touro; Trazo; Val do Dubra; Valdoviño; Vedra; Vilasantar; Vimianzo; Zas.

Provincia de Ourense

Allariz; Amoeiro; Arnoia (A); Avión; Baltar; Bande; Baños de Molgas; Barbadás; Barco de Valdeorras (O); Beariz; Blancos (Os); Boborás; Bola (A); Bolo (O); Carballeda

de Avia; Carballeda de Valdeorras; Carballiño (O); Cartelle; Castro do Val; Castro Caldelas; Celanova; Cenlle; Chandrea de Queixa; Coles; Cortegada; Cualedro; Esgos; Gomesende; Gudiña (A); Irixe (O); Laza; Leiro; Lobeira; Lobios; Maceda; Manzaneda; Maside; Melón; Merca (A); Mezquita (A); Monterrei; Muíños; Nogueira de Ramuín; Oímbra; Ourense; Paderne de Allariz; Pereiro de Aguiar (O); Peroxa (A); Piñor; Pobra de Trives (A); Porqueira; Punxín; Rairiz de Veiga; Ramirás; Riós; Rúa (A); Rubiá; San Amaro; San Cibrao das Viñas; San Cristovo de Cea; San Xoán de Río; Sandiás; Sarreaus; Taboadela; Teixeira (A); Toén; Trasmiras; Veiga (A); Verín; Viana do Bolo; Vilamarín; Vilar de Barrio; Vilariño de Conso; Xinzo de Limia; Xunqueira de Ambía; Xunqueira de Espadanedo.

Provincia de Pontevedra

Agolada; Arbo; Baiona; Barro; Caldas de Reis; Cambados; Campo Lameiro; Cangas; Cañiza (A); Catoira; Cerdedo; Cotobade; Covelo; Crecente; Cuntis; Dozón; Estrada (A); Forcarei; Fornelos de Montes; Gondomar; Nigrán; Grove (O); Illa de Arousa (A); Lalín; Lama (A); Marín; Meaño; Meis; Moaña; Mondariz; Moraña; Mos; Neves (As); Oia; Pazos de Borbén; Poio; Pontearreas; Ponte Caldelas; Pontecesures; Pontevedra; Porriño (O); Portas; Redondela; Rodeiro; Rosal (O); Salceda de Caselas; Salvaterra de Miño; Sanxenxo; Silleda; Soutomaior; Tomiño; Tui; Valga; Vigo; Vila de Cruces; Vilaboa; Vilagarcía de Arousa; Vilanova de Arousa.

Provincia de Lugo

Abadín; Antas de Ulla; Baleira; Baralla; Barreiros; Becerreá; Begonte; Bóveda; Carballedo; Castro de Rei; Castroverde; Cervantes; Cervo; Chantada; Corgo (O); Cospeito; Fonsagrada (A); Friol; Guitiriz; Guntín; Incio (O); Láncara; Lugo; Meira; Monforte de Lemos; Monterroso; Navia de Suarna; Outeiro de Rei; Palas de Rei; Páramo (O); Pobra do Brollón (A); Pol; Pontenova (A); Quiroga; Rábade; Ribas de Sil; Sarria; Saviñao (O); Sober; Taboada; Vilalba; Xermade.

MINISTERIO DE INDUSTRIA, TURISMO E COMERCIO

17009 *RESOLUCIÓN do 6 de setembro de 2006, da Dirección Xeral de Política Enerxética e Minas, pola que se modifican os anexos da Orde ITC/1201/2006, do 19 de abril.* («BOE» 233, do 29-9-2006.)

A Orde ITC/1201/2006 do 19 de abril pola que se determina a forma de remisión de información ao Ministerio de Industria, Turismo e Comercio, sobre as actividades de fornecemento de produtos petrolíferos, establece na súa disposición derradeira primeira a autorización á Dirección Xeral de Política Enerxética e Minas para modificar, mediante resolución, os anexos desa orde.

A necesidade da publicación do anexo vén indicada:

a) Pola detección de erros nos anexos publicados coa Orde ITC/1201/2006, como por exemplo a táboa 14 que, estando dentro dunha epígrafe de envío de información de cantidades, contiña campos de prezos.

b) Pola adaptación á última normativa legal aplicable, tales como: o Real decreto 61/2006, do 31 de xaneiro, polo que se fixan as especificacións de gasolinas, gasó-